

皇清文穎續編

皇清文穎續編卷四十

賦

駕幸寒山賦

謹序

李因培

吳山自支硎以西蜿蜒起伏霏藍翕黛其泉石
尤佳者爲寒山瀑流潺潺時挂林杪丹崖翠壁
互相映發蓋一邱一壑宛同仙源矣歲之中春
天子以時巡之暇來游來歌山雖勝地得

宸翰而益彰

臣

承乏侍從謹爲賦以紀之辭曰

林雨霽谷風溫羣木秀雜英繁顧瞻景物樂此芳春
天子迺遙建翠旗載陳金輅雙雉是移六虬斯御越
吳城之逶迤向寒山以遙駐時則休氣翔舞浹於蒼
黎于于喁喁前唱後隨謂

聖德之無不暨而幽岳邃嶺胥被夫日月之輝也原
夫支硎右隴地勢峻嶒開窪作沼斷嶂成屏臨崎置
宇遇虛嵌楹林扉閒而自敞石戶設而常扃千疊繞
修蛾之綠一稜堆遠髻之青隴深則冷露猶滴叢密

則閒雲尚停塢埃滌堀堞澄朝暉麗夕采明宅逍遙
之樂土凌縹緲之仙京墅紀盤陀之號堂留小宛之
名蓋自趙宦光結雲中之廬而茲山於是乎稱焉夫
其脈絡旁敷支條肆暢嶠有千名巒非一狀麗氤氳
之近瞻延翠律之遐望南峰北峰隱隱環向天平前
遮若几若障遠則控靈巖而引天池直將接乎震澤
之上若乃晴山擁翠碧樹生烟煤坪葑嶼別具洞天
阪紆迴而嬋媛蹊杳靄而嫵娟穴盤坳以膚伏坡坦

池以蠶眠或笏峙以鬱律或棋纍以聯綿旋開旋翕
乍斷乍連如繡如黼如劓如鑄誠媯娥而難肖抑媯
媯而待宣此山之大勢可得而縱觀也至於池號清
涼萬綠掩映雲根一源黝然深淨靈溢地膏靜涵天
鏡文瀾蕩蘋藻之香冷液滋芰荷之性倒巖則萬影
交攢傾潭則千淙怒迸其自駭颯疊而下也界丹空
穿碧磴蒼烟橫素月瑩玉濺光搖珠跳勢競亂灑蘿
庭斜飄薛徑宮徵鏘鏘豁人清聽乍激蕩以砰礧旋

霏微以泂澆將挾雨而齊飛忽迎風而不定湍奔則
暖館疑涼溜捲則晴檐合冥霧氣散而林光濃雷聲
輓而谷響應乍而望之混混瀼瀼沖沖融融瀟乎沛
乎若銀河倒挂於雲中又若怒龍劈峽天矯而擎空
爰有聽雪之閣形勢龍從耳謀目謀千音萬容維

宸章之炳煥實留冠於層峰洵三吳之鉅觀非他山
所能同也加以導派分支搜垠剔堦廉隄是通嶼崎
是鑿雍深叢舉翳薄闢磔疏砢密貢秀層岡呈奇

邃壑開千尺而形鬼啟百弓而路擴芙蓉之峯亭亭
挺擢碑砢高標瓏璵陵削連岫簪排亂砧紺錯磊磊
軒軒森森嶽嶽靈草中滋壽籐外絡旣映曜以輝輝
還窺波以濯濯同春筍其方抽比秋蓮其未落爾其
松陰寂寂竹籟沈沈山花自發微聞磬音展新桐於
綺岫揚早蕙於華林調階前之逸鶴轉洞口之佳禽
布席則遙依珍木流觴則近瞰碧潯霽色暄兮樂莫
樂嵐光合兮深復深乃相陰陽乃立

行殿繚垣周遮帶以修澗寒煥四宜曉昏千變蓬瀛
宮闕時隱時見鬼亭巖峩以規圓廣榭玲瓏以矩轉
桂棟峩峩而拂霞芝栢闐闐而凌漢湛水木之清華
交煙霏之婉變伊明瑟之堪欣實秀奇之獨擅蓋因
乎空谷之庵拓乎化城之院整斜高下位置盡善其
餘若馳煙之嶧驚虹之渡莫不藉彼陳蹟別開生面
所以稱靈界表福庭而奉

王遊之伴魚也於是清塵全坂弭節椒塗園芳迎蓋

澤柳拂輿耳目爲之朗曠心神爲之恬愉

天子乃奏葛天之闕調虞帝之絃薰嵐生於檻外竇
日耀於巖前挹玉流之演漾登瓊島之嶙峋撫韶光
之有象知樂事之無垠維時

睿思抒

天藻布芳辰和淑景煦車聲殷陂旆影耀路遐情欣
欣庶彙穉穉羣臣獻壽一遊一豫乃歌曰寒山碧兮
寒泉清陟層阿兮春正晴列樓臺兮勢崢嶸石齒齒

兮花英英覩雲物兮暢

皇情永勝事兮垂千齡

平西域賦

謹序

李因培

乾隆二十有四年

王師下拔達山逆酋大小和卓木伏誅冬十月捷音
至

京師於是西域方地二萬里悉隸版圖納職貢焉

臣

謹按自殷周後玉門以西德威之所暨惟漢

爲大初表河曲列四郡開關以震讐西域後遂
置三十六國都護治烏壘城督察諸桀虜復置

戊巳校尉屯田車師而幕南無王庭其山川阨
塞戶口繁息紀載翔實推校後代唐宋之盛莫
能及也然臣竊以今方之其師武之強弱兵畧
之正詭奏效之遲速拓土之遠近相去濶絕猶
行潦於滄海之深培塿於嵩喬之峻不可同日
而揚摧矣蓋漢通西域自張騫使月氏始其後
率以通使爲事莫不暴揚兵威震盪絕域然王
恢爲樓蘭所苦而屬賓大宛莎車數剽殺漢使

康居不拜使者龜茲殺扞彌質子焉耆殺都護
但欽其當誅者亦屢矣而傅介子徒以賜外國
爲名詐樓蘭王而斬其首若甘延壽陳湯之誅
郅支馮奉世之定莎車皆掩襲不備與王者有
征無戰之意乖反且自建武訖宣元僅羈縻弗
絕而康居大月氏安息罽賓烏弋之屬阻恃險
遠不屬都護未克討而平之也臣伏見

皇上聖神文武創建非常自乙亥定伊犁聲教所訖

遠踰蔥嶺如危須姑墨悅股諸國境並已實畝
實籍矣日者兩和卓木辜恩反噬援我叛臣蜂
蠶糾結不可爬梳

天威赫怒

特命元戎聲其罪而討之

聖算獨操窮荒以外如在掌握

六師所臨不戰而潰羣回望風扶服壺漿塞路籍其
土地並爲臣僕

黃鉞未加而亮渠授首傳檄所屆效命輸誠惟恐
或後是故強力不必恃

仁者固無敵也詭道不必行

聖人固好謀也速效非所期戎衣維一著也遠畧非
所勤

文命已四訖也統哈薩克布魯特地更越數千里厥
城數十直抵西海幅員廣袤包有漢疆曾不芥
帶用能格

天心光

祖烈興禮盛樂坐致太和永固我

國家萬萬年無疆之業

臣

竊謂漢德鮮薄而司馬相

如王褒揚雄崔駰班固之徒尙頗敷張揚厲宣

威德而盡忠孝矧

臣

蒙被

恩澤親見

聖天子睿謨神斷遠邁三古大勲旣集德惠滂洋誠

不可以默爾謹退而撰賦一篇拜手稽首以獻

其辭曰

推維於清載德以世汗星精契天緯斟範酌典飫仁
飽義妙單心於八靈憺威稜於四裔懿其臭馨香舍
甘實者泊乎月窟日域而不知所紀越二十載伊犁
驛騷賊蠻觸之轉鬪申弔伐於

天朝夷赤谷截葦橋勢沙幕而擗窟搗螟蠹而焚巢
飲羽爵離之關刷馬弓月之壕或樹領而蛾伏或奎
踞而援逃謂西人其不復反豈么膺之敢跳昔者兩

和卓木之遭拘繫也準夷久爲之刀俎繫窮獸於焦
林泣枯魚於沸釜孰生死而肉骨翳我師之孔武俾
復收其子遺保其故土同殪商而釋囚比戡崇而致
附羌二酋之負恩謂小腆或可恃抗喬岳以擊麀傲
霜雹以苞枿星曳櫜槍氛煽旬始隄絕梁而戟手披
殊榛而騰趾紛糾結夫克渠敢虔劉我信使非長蛇
封豕之可方豈野仲游光之能擬爾乃彈丸庫車如
蝸如蟾師因壘而未下土抉門而反傷鉤梯懸於墀

塊鐵礮限於池隍虜已遁於馬邑士枉勤於偃陽
天子於是赫然震怒改弦而更張之

命元戎使北轅誕申傲於軍實詎士馬之頓張儼壁
壘之胥易其始也蓋

上勤勞還之思下無推轂之責忽默契乎

天心已拜表而請殺賊蒼龍搖旗靈鼙疊鼓長戈焱
騰周廬星布明月爲候招搖爲櫓單壺絡繹城堡安
堵彼各私夫億萬心我不愆於六七步遂乃存雅爾

奠阿克畧烏什之疆入和闐之壁陸警水震機駭鋒
疾值芒濡血觸絲隊翼及傳於葉爾奇木城下而強
弩之末猶弮乎其有餘力日暮途遠寇窮勢變圍合
再重兵借一戰以絕流之四百當排山之數萬呼聲
殷雷盪決擊電鼓音絕而復起陣雲深而不辨然猶
揉賊壘如繇繇呀我堡如金湯移帳掣焚旗之火搜
穴出流屋之糧洪波滂濞其倒洩臨衝屹立以周防
暫拘怒而少息突作氣而大創相持積三月之久曾

不聞破斧與缺斨惟斷也爲能定天下之務惟幾也
爲能制天下之先發之則震於九地操之則遠於九
天師行萬里之外制勝一年之前彼乘廣之更番乃
瓜期之當代惟得道而多助斯鏡機而適會驅龍駿
之超騰飛虹旂之沛艾迅銜

命而在途遂拔戟而成一隊於時援兵深入長圍間
阻戈壁沙昏沁河寒洹乘月黑而斫營厲層冰而斷
渡驚將軍之自天何逆酋之敢侮士氣百倍鏖戰三

捷笳鼓山鳴旌旗野飲虎夫龍媒之所蹂躪常山燧
象之所麟趾鄭城有夜縋之使楚幕有宵遁之謀外
斧其吭內刺其脅鳥潰魚爛阬夷谷峻連城望風而
爭下諸部感

恩而反泣雖游魂之稽誅早弱卵之將壓乃定喀什
之籍變騰格之規則壤成賦因時制宜其華實之毛
則有丹秫重秬嘉藜雙歧高粱珠綴青稞露滋苜蓿
三花而櫛盪吉貝五色而陸離又若菜果七園蒲萄

千斛十旬兼清蘭生芬郁貢金同麗水之淵採銅媿
赤堇之谷破夫織罽刺文之麗異卉文木之奇翡翠
孔雀之羽紈牛香象之皮珊瑚珠璣琉離璧玉之寶
懸槿度索眩人偃子之嬉稽諸往牒西土是資而非
至尊儉德之所貴宜爲句臚菜幣之所遺於是賈餘
勇蕩窮寇重趼馳短兵驟厲重淵越複岫晞水草而
若滌割陰陽而錯繆躡及庫魯克之境而困獸猶致
死而反鬪破衆我寡被騎我徒被險我夷被休我劬

則主客之形勢殊焉爾乃設覆於敖曳柴於輿兔狡
離窟虎虓失岨異軍特起橫斷中區破之憇卒瑣甲
弱於當車之斧薄戍窮竄踈於結網之蛛曾不足當
崑炎之焦灼滄溟之灌輸洱河縱橫劍壁崢嶸於山
於川鶴唳風聲馬不弛轡士不釋冰極其所存一夜
數驚惟

天子善將將斯將軍善將兵四甄兩翼分陳列營嶽
立海連雨止雲行少焉賊雷鼓韻金鉦途有歧而必

截地何險而不爭立赤幟於趙壁登螯弧於許城慄
昆陽之戰象駭滄海之奔鯨賊乃雙輪窮竄而阿楚
之地復平

天聲揚炎景鏖恢雲罕布坤絡汨蟻封躡蝸角戰禽
獸而待發行頭顱而就縛乃有坦沙所部拔達之域
指南之車所未通博望之查所未及然且心神茹形
恒威赧德謂注燭不足挽天河礫鼠不足膏

玉戚爰組頡利之頸函郵支之馘願奉朝請於春秋

皇清丁巳年
卷四
三三
謹免逋逃主之誅殛露布

聞日南至

大武既成慶典斯備

皇帝乃儲精於陽靈之宮涓選於欽柴之位揚樂華
於咸池敷禮英於采薺穆穆愉愉芬芬懿懿華日神
煙表回容裔訛碩麟而隄馴感黃輝而昆歧惟

泰元逮

富媪馨嘉德之醴粹紛繁祉兮如山翳

聖躬兮自致乃陳告

廟之冊賡上

陵之詩紫宮闕闔

翠華迤迤鐘鼗敵竹文以清絲其薌始升具醉熙熙
奏王夏而返

駕開宣室而

受釐固宜議封禪播金石昭宣鴻名揚厲偉績媿周
京之羣雅陋漢家之典冊顧猶謝榮號而不居推大

美而弗有觀器若欲凜索如朽讓善於

慈闈介福於

文母酌允鑠以綏安肴樂胥而上

壽錫類周乎在庭

闔澤逮乎黎耆登天下於衽席俾冬益而單厚爾乃
獻歲發春雪融九野獻馘受俘於

廟於

社肅陽鼂備

法駕建魚須之葳蕤馭飛龍之魚雅

皇帝爰御丹鳳門而宣示乎天下他他籍籍骸骨撐
拄尸諸獸牢夾以蕭斧滌垢剗穢權溢區宇示剪除
之義於京觀備擊刺之法於象舞然後下

明詔班

王師鳴鑼罷節虹旂攝磨弛九和之弓解千金之鉞
睇金城之延屬歷陽關之逶迤填填焉隆隆焉千乘
萬駟以二月凱還於

京畿

上親出郊盛禮而嘉勞之奉引既發鏘鼓鳴轆天畢
靡雲飛廉送颶奏偃伯靈臺之樂賦出車杖杜之辭
禮成飲至肅乎登明堂之威儀於是觀者履栗栗戴
巍巍莫不延首跂踵頌

皇武之侯其禕而也若夫酬庸之厚則袞衣旣崇班
劍斯履逮期門與飲飛陪甘泉之豹尾其贈恤之周
則賞延孫子績紀旂常雖結蒲刻木之禮曾不足與

相方其德施之博則都尉無搜粟闕吏絕加緡六軍
所過給復一年幾不知師旅之紛闐且夫庫車之役
大雨師行斯卽孟津所謂洗兵也和闐之追黑霧陰
霧斯卽涿鹿所以成擒也黑水之圍靈泉湧井斯卽
疏勒所由制勝也天人之交如響斯應然而夏蟲不
足語冰寒井蛙不足量海水樂與圖終者難與慮始
且獨不聞盈廷之初議乎公孫朔方之章捐之朱厓
之對狙承平之宴安昧命討之大義謂窮寇不必追

遠土不必開聽言以轉圜爲美大君以含垢爲懷則是周宣不必興六月之衆漢武不當登單于之臺庸詎料夫

膚功迅奏不五年而海內廓然遂樂玉燭之儲也爰振木鐸開羣壟樹豐碑臨璧雍攄典謨之心掩誓詰之蹤麟麟炳炳三五同風而要歸於敬

天勤民率

祖繼

宗統統乎日慎一日之衷夫然後末學膚受榮古陋
今者曠若發蒙亦竊欲憬然有作卒莫能摹乾坤之
表與日月之容臣用慙焉乃覃思畢志習鹿鳴之遺
聲撫中和之舊製譬管窺錐指夫萬一而未盡其美
備也乃作頌曰

天眷我

皇大開明堂久有萬方西陲不庭

皇祖再征赫聲濯靈

聖考其勤悉主悉臣誕貽

一人小醜蠢然蛇結蚓連秉鉞有虔初占師貞負乘
致驚羣言沸騰

皇帝曰吁

天付有家子敢勿圖

皇心洞開日月周迴絕域庭階惟斷乃成機先必迎
天亶聰明

帝簡元戎一二臣同耆定爾功告於

文人疏爵策勳劍脫虎賁萬里開邊不折一弦歸德
於

天保泰持盈是訓是行庶績其凝恭已無爲守在四
夷於萬年斯

平定回部賦

蔣士銓

大荒以西雜種是棲如蜂房蟻垤部落不齊厥回所屬曰天方天堂曰默伽默克與唐宋後所稱西域者其殊區異名皆窈不可稽是惟古筠冲地所共獸游禽息於夏絕險遠也則有哈烈阿速坤城魯迷厥男女髡鬣纏首編髮覆頰主曰瑣魯檀教曰馬哈麻而飲酪食羶彈丸黑子分郢列畦歷千百代孰糜孰蠶我

朝德威輝赫盡天所覆剪地曝鯨庭舞百獸長城以
外藩籬我西北鄙者綿亘數千里皆各安尉堠幅員
廣遠古今未覩回匪我族類亦匪我寇亭毒煦嫗俾
全汝生汝弗來亦弗汝疚吁嗟兩首爲回望族制於
厄魯特是臣是僕悉索敝賦苟延殼棘中國有

聖人莫往莫告我

皇平伊犁飛走窮蹙以鎰稱銖決渠破竹賁育搏雞
兵不血刃

繼述大孝西事以肅方將放牛馬韃橐纛與中外息烽卧鼓享止戈之福乃

眷憫回首爲賊魚肉使脫拘囹使仍長部曲使霍集占居我伊犁使波羅泥都歸葉爾奇木枯條再肄悴葉更沃諸回聞之感極而哭將魚貫厥類相率內屬就下走壙言歸於仁惟恐不速其久蟄而獲昭蘇者宜何以自勗乃兩寇厥有恒性不可馴育狴磨牙

悖

恩肆毒助仇抗有德反噬之罪萬死莫贖

皇赫震怒載出王師此而不征曷以威四夷此而不
殄曷以慰死綏蓋順逆有必克之理決斷無臨事之
疑籌邊有萬全之策用人無賞罰之私於其締搆也
有若觀火於其折衝也則如舉旗

乾綱睿謀廣運在茲曷將將我軍兆惠往斯於是敵
干礪鏃束矢踰徼反風燎原而回不可支勁旅四百
人渡河而西如垣壓之如雲覆之爰克痺車以收其

四陲以定租稅敘官秩通泉幣安化僑諸城順俟歌
舞以隨挈彼捫酪是迎是依凡有血氣者仰

大皇帝尊親弗違光明洞徹如照世杯奈何草木怙
惡不回孤軍萬里賊莫敢窺寡可敵衆屢戰或疲馬
則或疲士則益威困獸猶鬪以遮以圍我軍如山岳
曷能動移虎賁三千一心共持沙場醴泉雪窖香粢
地不愛寶婢毋渴與飢築堡堅壁者二月兵氣愈奮
而賊擁萬衆徒形茹神僞偃偃乎黑水之湄方倖師

老援絕狡焉待逞而豈識

聖天子先慮預防默運勝算於睿思

皇帝曰嘻師懸遠絕無繼或困勞逸異情主客判咎
咨副將軍及諸參贊率我索倫兵先時以進龍驤萬
羣虬蝟麟奮接趾齊于超絕驅迅遐哉戈壁軍儲艱
運載布易回粟饟溢我困朕授爾方畧爾其師朕爾
往勗乃功庶滅斯蠹穹廬甌脫賊卧方穩大兵從天
下沸坑噎盆雨矢雷矛決水千仞迷穴兔駭喪林鴉

隕鎮壓枕籍人馬蹂躪魚爛豕奔一蹴壅粉堅堅瑕
瑕我卒不損來視不仰去顧不反兩賊突梯漏網而
遁旣解重圍迴阿克蘇全師合隊休息秣芻在師中
吉成於

廟謨時雨之師甘霖沛濡天厭共咬寧逃後誅賊摠
兩城脫角挫脰忘其睽暘失其去就汝自作孽

帝弗汝宥載命將軍兩師夾蹂一往葉爾奇木一往
喀什噶爾焦釜漏甕汝曷以互救賊懼先跳首尾顛

卜二城遞降濯滌瑕垢哀哉爾賊本無足爲革笥木
薦何堅可持短垣羈幕何險可資弓柔矢弱身備志
離其兔脫鼠逸所倖免於萬死一生者或不爾追豈
知

天兵掩截亦正亦奇故羊腸亦勝鋸齒亦勝如疾風
捲籜如強箭射絺霍斯庫魯克明瑞擊之阿爾楚爾
富德殛之彌縫錯綜整暇互施我弗汝誘汝轉我疑
左剪右屠腹枝敗披載逐窮寇伊西洱庫兒伸頸引

足就鞅入絆如負塗豕曳尾龜駭攜妻孥徘徊慘悽
帖者伏者不傾不危迎者順者以恬以嬉爾亦一回
爾可聞知狼爲狼負梟與獍班同途各竄心碎膽寒
輜重厚亡匹馬蹒跚前峯如虎踞是名拔達山素爾
坦沙是爲厥汗彼汗望

天日瞻就孔艱得將軍檄膜拜以歡言補其牢檻此
亡獮拘之柴札木兩克益頑且圖內亂覲肆老姦彼
汗知之劍槩夜攢一屍一首膏斧懸竿於以獻誠爲

將軍慶將軍曰匪予之功實

天子之聖二萬里外用兵如神

天子之命諸回伏地股栗以聽大荒極西於是以定
十月庚子捷書上聞

皇帝曰嘻其旋我軍疆以戎索二萬餘里五年之中
化敵爲家克歲厥事非予一人之功蓋

天恩助順者孔殷故克慰

祖宗心送

慈闈喜

郊社

陵廟嶽瀆百神以享以祀

覃恩汪濊萬物樂只酬庸賞功其各以次將軍振旅
以還百辟卿士其襄朕行郊勞之禮

帝頒恩詔陽和暢舒臣上

尊號

聖不自居謂

天眷世德何有於予兢兢業業履滿是虞先聖後聖
其揆一如

帝作豐碑樹於太學筆挾星辰氣迴川嶽凡三用兵
帝無拓疆土心而疆土是拓轉輸徵調行於不覺蓋
海宇無出車之苦而將士有從軍之樂

帝作兩銘勒諸絕域功邁百王威籠八極赤文綠字
鰲鳳拱翼羣回拜瞻恐懼匍匐曰此

天可汗御筆也永鎮我邦國其攜我父老率我妻子

庶幾仰之以畏懷

大皇帝之威德

帝作開惑啟盲振聾天下讀之昭然發矇於皇

聖謨以始以終其樞萬本誦萬國億萬斯年罔不龔

皇太后七旬萬壽賦

謹序

寶光集

皇帝御極之二十有六年歲在辛巳冬十有一月恭逢我

聖母皇太后七十萬壽於時人和年稔王道博洽率土之臣咸應順德奉職來賀

詔舉慶典秩殷禮臚歡神人昭貺天地懿哉郁郁乎斯帝者之上儀也

臣

伏見

皇帝盛德駿業炳耀寰區自十六年恭慶

皇太后六旬萬壽迄今又歷十年內綏蒸黎巡省方
俗外撫西域二萬里拯之水火悉躋席衽蓋所
以爲

皇太后篤慶衍嘏者其道彰大闕遠非尋常藻飾之
辭所能闡揚萬一抑聞周雅天保陳九如以報
上魯頌閼宮推美壽母漢臣班固以爲賦者古
詩之流能抒下情而宣上德亦雅頌之亞也

臣

誠不佞然蒙

恩列侍從再逢

盛典不揣愚昧敬依古撰賦一篇欲以敷陳

皇帝孝治之備尊養之隆因以推本

大德受

命於

天宜奉

皇太后享無極焉其辭曰

有麗眉叟遊於

皇都曬

慶典之殷，儼聆億人之謹謳。

叶

方拊髀而雀躍，忽遇

柱下左史於益壽之衢，而天祿大夫適俱焉。叟揖而問曰：蓋聞聖人之孝，莫大乎以天下養。方今協氣氾濩，淳流浚決，啟

璇闕而介壽當萬國之丕享，括濛瀛爲福宇，藐崑閩之未廣。小人生長邱樊，作息堯壤，幸曦霽之就瞻，均潛蟄之鄉仰。左史盍示我以景曜，曷我以宏謙乎？左

史曰處蓬樞甕牖而測圓穹之高不如登靈臺而在
璣璿也溯潢潦溪澗而意溟澥之大不如陟琅瑯而
望朝暾也走素舁陋拙於語言惟大夫依仁飫德又
多識乎舊聞願資緒說用祝

常純於是天祿大夫逡巡而言曰觀儀象而推七政
之躔次則得矣不能識蒼蒼之所極也憑海嶠而挹
若木之朝華則覲矣不能窮積水之所界也故以
小語大者議隘以卑誦高者智嗇雖然嘗爲叟陳其

所見而左史擇焉伊慶源之肇啟偉景氣之舒芒當
元默之網緼會涪灘之儲祥占長景於南至得天數
兮攸降叶其毓德也則欲體乎厚載應坤元之直方
直靜正以立極韡柔明而含章遙動容兮爲矩志摯
任之誠莊耀冒暉於太紫儷
宸極而化光肆降

命之孔謚乃篤祐於我

皇我

皇上履五位曜九陽攬天鏡振地紘叶紹

三聖之純熙總四方而爲綱敷懿德於函夏日惟

慈訓之攸承叶習歲祥而時邁求下民之所寧叶凌

長白之峻麓兮躡清涼之巍峯叶簡車徒於興安兮

躡我馬之旣同叶景孔躡而還軌兮因泰岱而升中

叶登嵩高而揖華蓋兮聽天聲之雷琅浮三江而歷

吳越兮甄靡俗之有終叶於斯之時士女翕習冠蓋

頡頏暄之爲冬日歛之爲春風叶沛澤與洪瀆並流

薦功與喬嶽比崇叶是以重光協洽之歲

慈齡週甲

鴻算攸徵叶蓋合羣歡而稱祝駢萬寓而梯航也粵

有荒服之域曰惟準戎邊在西陲罔貫昧莫聲教罕

加叶值衆落之擾攘用籲求我六師

天子迺燁

聖武赫

神威握井鉞揚參旗飭軒轅之五兵下應龍之躩踞

命降蕃以執挺役谷蠡與屠耆兩道倚角長驅並濟

叶

電流颺偃遂會伊犁格登夜陣廿騎用奇徽纒戎
渠俘馘兩階蓋隼旛甫出乎玉門紅旗已狃乎天西
矣旣而彼狡自竄牙旗再舉回首負德敢我違拒

皇帝乃總神機於臂指運地天於堂序敢哈薩定布

露

叶

靡庫車而飛鋌臨黑水而插羽醴泉夾轅以涌

流祥霧隨旆以濃布

叶

戈壁失其屣屣伊西失其重

咀遂乃函温禺檄贊普自天山之南三十六國城郭

錯處凡莎車疏勒之鄉溫宿杆彌之土迄懸度與繩
橋翕厥角而受撫班賦視乎賓筒範金遵乎圖府攷
河源於南山兮測辰晷之影度叶銘西極而告太學
兮揭

御碑於萬古鬱

紫光之巋嵬兮

詔立本使繪圖叶勒

鴻篇以垂經兮軼出車與常武光

列聖之丕基兮信順

天之多祐於時

天子方集慶受祉啟義圖大衍之寶紀闡之乎無疆
廣輪內外于于喁喁咸願效祝乎華封

叶而我

皇上至德撝抑冲懷守淵讓鴻號而弗居戒縟節之
是陳惟

慈祐之單厚用布德而施

恩爰張珊網搜儒賢啟慈榜廣作人懷鉛握槧之彥

霧起雲屯容與乎冊府振興乎文園莫不含和而蹈
德玉色而金聲叶故雲漢之章煥而辟雍之化宣也

月正元日肇開上瑞重光重輪佐以五緯儷璧編璣
纏屬亥位吐燐編乎璇霄騰爚煥於碧海叶拱紫垣

而熒熒排黃道而踟踟照臨九畿垂雯絢麗太史占
之繫惟景契溯昔大撓推筴之初珠璧齊位上下五
千年洎我

聖朝休徵疊賁值三微之履端尤昭察而明備蓋紀

稱新於辛盛於己我

皇太后日新月盛之祉於是焉萃

天迺錫嘉符以告升恒之純祐叶也於是圓顛方趾

駢望偕至聯聲而歛接踵而企則有建牙之重寮縮

綬之庶士叶折衝之武臣懸車之舊采繡鞞金章霞

裾鈿帶赳赳從從儀儀藹藹來觀我光各以其列叶

至於越狼山踰雁塞趨鸚林涉鯨水叶或緩耳而長

肱或左言而魁髻控文犀之騰驤籥寶駿之沛艾交

閭載張形服瑰異肩摩趾錯雜沓璫珥鰲抹鯨吐鷹
隣鷄視樹領向風傾心面內會於象胥而獻其琛賫
者蓋府無虛月史不絕紀

天子於是鑒中外之誠款開雲構之玲瓏自西掖以
達九衢備般僎之神工飛欄轍轍閣道複重勢橈藻
井窻窳穹窿標千尋之蕊闕敞四照之琳房叶削磨
礧以勻築張緄綵以密蒙玉宇窻窻而淨盞金鋪
昭昭而舒瞳繞以翳帷黼幄環以錦幃繪峰簇三壺與

闈苑路宛轉以潛通銀泉渾浮碧幹龍葱奇藉灼馥
秀芝丰容爰有遊郊仁獸巢閣威禽叶揚毳赴節振
吭諧籥般濯濯靡不蕃衍茂育若跂若舞充牣乎
其中別有鶴髮皤皤九老之班領以星潢備以鵷聯
匹飛昂於河渚陋採芝於商顏繪方瞳於縑素見松
喬之衣冠會較榮於耆英數比盛於香山亦有香筵
法供花林羽翮珠龕紺宇之儀是肅運幢梵蓋之飾
是效

皇帝迺以厥望已酉奉

聖母之色笑轉

金根於仙郊

躬玉勒以前導時則融風歛扇旭日朗照笙璫競宣
綺繡駢耀觀夫道遊九九龍輶相比繁纓玉瓊曲轅
畫轍殷乎若輕雷之遙起於寶地也觀夫魚旃虹旄
九旂縈紆葩璠璇蓋翕赫流蘇翩乎若卿雲之卷舒
於太虛也遂申茂典練日維寅恭奉

寶冊獻於

壽康之官

叶

神龍盤紐精鏤是鐫曰

恭曰

懿聞德厚坤用誕告乎萬國

徽音於無垠爰廣錫類沛

恩綸翥木鳳以銜

詔翹金雞以揭竿仕怵農謳神人協歡遂迺

御正殿負斧展肅九儀序左右

叶

合羣工之奏賀以

廣

慈寧之燕喜也爾其庭實紛綸異黃翁翹冰絲火布

鮫島所織梅林珍木流芬散馥

叶

紫毫毳屬陸離耀

色或自海東或陳漠北有方物之遠來在新闢之疆
域貢三品之寶金登五光之闕壁纚纚茸茸紛紛卽
卽蓋川嶽之珍罔不集焉迺

命大庖調六膳滌鳳足之菹膾龍根之饌露液雲腴
金膏玉醞舉匱甘於葱林出水桃於崑苑

叶

蓋水陸

之腴罔不進焉於是陳廣樂奏咸英撞牙虞振匏笙
特磬設鑄鐘鏗備六變集九成加以天方小部百戲
雜呈象人舍利鳳凰高絙試回鶻之舞態按龜茲之
歌聲總旄人之所掌暨鞞鞞之所登溶乎沈沈磴乎
匄匄

皇帝迺躬綵衣之舞天旋而雲迴山龍火藻煥耀葳
蕤麟趾振振陳列以次晉

壽觴稱延

盞

宸歡洽

慈顏怡於斯之時休應碎隱豐澤汎施陳籌者申如
天之頌飽德者詠旣醉之詩豈不懿哉若乃

鉅製喬皇奎文燦麗宮有

壽安之銘屏織聯珠之字蓋又近古所希聞記瑤編
而增賁者矣至於良辰嘉月曲讌是張若龍舸蘭燧
之集勝碧烟朱火之垂光啟

西苑以賞花侍液池之嬉冰叶凡長春之館同樂之園所以奉

聖母之樂康者蓋耳飫而目濡皆定省之常儀故悉數之不能詳也柱下左史聞之屻然而嘆曰至矣我皇之孝光於四海通於神明雖武周之聖崇褒於孔氏猶欲之而不能自漢唐以降又奚稱焉抑大夫之所陳者孝之文也

聖人之所務者孝之本叶也今試與大夫商權而論

之三
之五福之首曰壽何以致壽曰仁常人之仁止於一家一身

皇極之福同於天下萬民故仁有大小壽匪等倫惟我

聖母自作元命惟我

皇上以善歸

親是以身享天下之備物目覩天下之備色耳聽天下之備聲而天下宜之僉曰欲至於萬年子大夫徒

知

一人之養以天下而不知天下之養以

一人譬猶觀海者徒記其洲島窺天者但識於星辰
恐未足爲知言也且嘗聞之諸侯之民曰萬天子之
民曰兆厥好惟星厥德惟草寧王有訓小人難保匪
績曷裳匪穡曷寶繁

聖母之克勤惟民依之在抱繪繡在躬而知卒歲之
無褐珍膳在御而念疏食之不飽時甘澤之未霑兮

精炯炯而步禱

詔親蠶之嘉禮兮勤

馳駕乎靈沼念朝浴之卜吉兮禱元黃之攸肇我

皇上敷

懿德以臨之匡其生而恤其力授其時而除其擾譬

如慈母之於嬰兒旣乳字之又衣祿焉是以紅女不

戒而勲其筐筥農人不勸而敏其鋤耰叶邑有八世

之睦族鄉有期頤之偕老學有紀瑞之古柯野有岐

穗之靈藻斯其受

命之符長世之要道也不其然乎若乃雨暘偶愆偏
隅告亟蠲賦弛征累萬盈億發廩給賑截漕資糴委
粟如山捐金如礫民用無孳烝有粒食蓋保抱挾持
其婦子而頌我

慈福者不知幾萬室也洪河未奠載

涖清口

叶 移

蹕彭城疏瀹

親授導汝浚濼茅城永牢叶蘇山鞏堰駱馬旣道叶

亦越今秋楊橋造築驅其蛇龍觀我秔稌叶民適有

居家室再造叶蓋望

北闕而願延

慈算者不知幾萬區叶也往者準戎作虐習襲競背

叶窳窳其衆如恐弗克諸回慄慄如墜如覆叶骨肉

委溝瀆肌膚厭金革

聖武維揚而五年之間並奏兩績立之司牧教之稼

稽曰玉關之近逮於筠沖大食同禹甸之杳杳均周
原之麤麥蓋飲和甘被豐美而戴

慈輦之覆育者又增廓二萬里也然猶勅幾疑命無
逸作所常嚴恭而寅畏切位重於堯負圖厥易而思
艱儼六馬之在馭叶凜一夫其予勝詎鰥寡之敢侮
思用人之惟已慎程材而器使叶鑿江海之下川履
盈滿而滋懼叶

躬制節以起化屏繁縟而弗御叶迪蕩平於厥道廣

覆幬於六宇此我

皇上所以奉

聖母於億萬年而永膺多福者也叶大夫不此之陳

而炫耀衆人之所稱以爲揚詡抑何見之鄙耶於是
天祿大夫遜席而言曰盛德要妙至化無名蒙誠謏
陋抱醜雞之智以仰窺

聖哲知不足於崇論閎議推究大化之所成也敬聞
至教敢佩弗諉於是靡眉叟歡忭動色曰吾儕小人

幸遊

詩宇飲食燕衍竊願從大夫之後敬稱觥以獻